

& commiscetur materia cum tali uento, & erit quasi dormiens, qui semper mouetur ad uigiliam, nec cessabit moueri, donec in hunc mundum generetur.

Mars disponit conceptum tertio mense, qui materiam illam, ad sui naturam & colorem mutat, in formam sanguinis deducendo, & uentus Iouis tunc latitat & quiescit. Hinc fit, quod foemellæ in secundo mense, magnam habent nauseam, propter uentum Iouis mouentem matricem cum materia in ea. Sed in hoc tertio mense cessat nausea propter Martem, qui ipsum mensem tertium dirigit. Si itaq; ipse Mars illo mense bene disponitur, erit sanguis nati purus, & uix ac rarissime superabundans, nisi forte propter uitam inordinatam. Si uero Mars male disponitur, significat contrarium.

Sol disponit quartum mensem, qui humiditates superfluas siccatur, membra principalia conformatur, caloremq; rectificatur. Illo etenim mense, largitor omnium formarum proicit fortitudinem in conceptum, dando animam rationalem ei. Si igitur in mense quarto Sol fuerit ascendens ad Augem, & fuerit fortis in suis dignitatibus, significat perfectionem & formositatem uultus, quoniam tunc etiam natus erit magnæ potentia, ita quod poterit frangere lapides, & comminuere ferrum.

Venus disponit quintum mensem. Illo enim mense apparet forma membrorum, & figuratur sexus, erigunturq; capilli, & excrescunt crines. Si ipsa fuerit tunc bene disposita, fortis in dignitate sua, erit natus pulcher in facie, amicabilis, & plenus dulcedine, completus in facie & membris. Si uero fuerit descendens, uel in domicilio Saturni, erit natus deformis & turpis.

Mercurius disponit sextum mensem. Sed quia ipse est planeta eloquentia, sapientia, & doctrina, sensus ac nutritionis, facit discretionem, ut foetus se nutriat, & extendit membrum lingua, & uocalem arteriam, ea ratione illo mense puer percussit manibus & pedibus in matrice, & eius motus fortificatur, appetitq; exire de tenebris, sed nondum est tempus. Si ipse fuerit Ascendens in circulo suo fortis, & bene dispositus illo mense, erit natus bonæ eloquentia, placebunt hominibus eius sermones, fietq; natus magnorum Principum secretarius. Si tunc 24 aspicit 7, erit eloquentissimus & sapiens compositor librorum, & concionator mirabilis. Si uero male dispositus fuerit Mercurius, ut retrogradus, combustus, uel aliàs infortunatus, erit oppositum eius quod diximus, ut lingua impedita, uel uocis titubantis.

Luna dirigit conceptum mense septimo. Tunc enim foetus, formam completam adeptus in utero materno, habebit tunc fiduciam uitæ & generationis. Si illo mense puer nascitur, erit bona spes de uita nati, propter complementum significationum planetarum.

Saturnus dirigit secundario conceptum puerum octauo mense, cuius uirtute foetus in frigidatur in matrice, debilitato frigore etiam uitali spiritu, ita quod uix in eo apparebit motus. Et si puer illo mense exhibit, eo quod siccus & congelatus quasi est, sapissimè mortuus exit.

Iupiter secundario conceptum puerum dirigit in nono mense, qui facit uentum & motum, & tunc exit puer de tenebris & angustia uentris in hunc mundum, erigitq; tunc oculos ad lumen Solis, si est in die, uel ad lumen candelæ, si fuerit de nocte, miraturq; de non uisis, & propter angustiam loci, per quem exit, quoniam constringitur & arctatur, incipit flere, & deflet miseriam huius terrestris uitæ &c.

Generalis Methodus in iudicijs obseruanda.



Rimum est, ut perpendas locum, qui habet concordantiam, uel significationem cum re illa: Ut si uelimus iudicare de patre nati, uidebimus locum Solis in diurna genitura, in nocturna uero locum Saturni. Si de magisterio, Medium cœli &c.

Secundum